


Alkitab Anggen Anak Alit

Dane Petrus Lan Kekuatan  
Pengestawane



Kasurat olih: Edward Hughes

Kaperagayang olih: Janie Forest  
Alastair Paterson

Ka tempa saking: Ruth Klassen

Ka dwi aksarayang olih: Ni Luh Mastri Ayu Caerina;  
Pdt I Gusti Made Alit Purya

Kakaryanin olih: Bible for Children  
[www.M1914.org](http://www.M1914.org)

©2023 Bible for Children, Inc.

Perarem: Ida dane dados nerjemahang utawi nyalin carita puniki,  
nanging nenten dados ke adol.



Dane Rasul Petrus  
memargi milehan ke  
wewengkon jagate  
buat ngortiang orti  
rahayu.




Sedekan dine anu, di kota  
ane meadan Lida, dane  
ketemu tekenin ane ane  
pules di tikehe, anak lumpuh,  
sube kutus tiban mekelone.  
“Ida Hyang Yesus nyegerang  
semeton.” Pangandikan  
dane Petrus. “Bangun je uli  
tongos semetone sirep.”  
Anake ento jeg prejani  
nyidang bangun.



Makejang anake ane  
nyaksiang unduke ento  
lantas percaya ring Ida  
Sang Hyang Yesus.



A blue curtain is being pulled from the left by a pink hand. Behind the curtain, a black casket is visible, partially covered by a black cloth with white stitching. The background is a plain light gray.

Tusing joh uli kota ane madan Yope,  
anake ane ade dite sedeng merasa  
sedih. Ade anak Kristen luh adiri, ane  
madan Dorkas mati. Makejang  
timpal-timpalne sregep pesan nyiapang  
penguburane, tur mayat nyayat nyanye  
tongosange di tongos anak ane sedeng  
nandang duhkite.






Dugase timpal-timpal dane  
Dorkas ningehang orta, dane  
Petrus sedeng ade tusing joh uli  
tongose ento. Lantas ia ngidih  
apange dane Petrus enggal-  
enggal berangkat ke Yope.  
Rikala dane Petrus menek ke  
lotenge, makejang anak ane  
ade ditu ngedengan bajune tur  
penganggo pegaen dane  
Dorkas ring dane Petrus,  
sambilange ngeling sigsigan.

Dane Petrus lantasan nunden  
makejang anak ane ade ditu  
pesu, lantasan dane betedoh  
ngestawa. Rikale dane  
metolihan ningalin sawene  
saha ngomong kene, “Dorkas  
bangun je.” Ditu lantasan dane  
Dorkas ngedat, lan rikal dane  
ningalin dane Petrus,  
lantasan dane bangun,  
lantasan negak.





Lantas dane Petrus ngisi limane lan nulungin Dorkas apange nyidang mejujuk, lantas dane Petrus ngaukin sakancan anak Kristen tur anak-anak ane balu, lan nujuhan tekenin ia, sujatine ane jani dane Dorkas sube buin idup. Unduke ento lantas nyebar di wilayah kota Yope, paimdikane ento ngranayang liu pesan anak ane percaya ring Ida Sang Hyang Yesus.





Dane Petrus makudang-kudang rahina majenekan  
di Yoipe, di salah situnggalin umah di sisin  
pasihe. Sedekan dine anu dane Petrus

menek ke loteng umahe  
lakar ngestawa.



Yening dane ningalin di  
ilehan kotane ento miriban  
dane lakar ningalin anak  
ajake telu ane lakar  
ketemu ring dane



Anak-anake ento tusing je len tuwah pare parekan perwira prajurit Roma ane meadan Kornelius, anak ane takut ring Ida Sang Hyang Widi.



Dane Kornelius ngutus pare parekane apange ketemu ring dane Petrus, ulikrane dane maan sipte jati ningalin malaikat, “Utus je parekan semetone apange ia magpagin dane Petrus.

Ane jani dane Petrus numpang di


umah anake  
ane dadi tukang  
penyamak kulit,  
ane meadan Simon, ane  
umahne ade di sisin  
pasihe. Dane lakar  
ngorahin ape ane  
patut kelakonin.”



Rikala dane Petrus ngestawa di loteng umahe, Ida Sang Hyang Widi Wasa nyinahang siptejati ring dane. Siptajatine ento merupa kain lumbang segi pat, ane metegul baan tali di sebilang bucune, ane


tuunange ke tanahe. Di tengahne ade makudang-kudang buron ane

mebatis patpat, buron ane ngloso lan kedis.



Dane Petrus ngorahang makejang buron-buronane ento 'leteh'. Agama Yahudine tusing je nadiang anake ngajengan buron-buronan ane buke keto. Ditu lantias dane Petrus mirengang sabda buke

kene, "Bangun je, hai Petrus, tampah je buron-buronane ento tur ajengan!"




“Ampure duh Ratu, titiang nunas ampure!” Atur dane Petrus ring Ida Sang Hyang Widi.


“Seantukan titiang durung naenin ngajengan sekancan ane leteh, sane kesebelan.” Dane Petrus lantas buin cepok ningehang sabda ane masuara, “Apeje ane kesambatang tusing leteh olih Ida Sang Hynga Widi, ede pesan dadiange leteh baan imanusa.” Dane Petrus mirengan indik ane keto nganti ping telu, ditu lantas kain ane misi buron-buronan ento metingtingan ke langite.



Dane Petrus tusing ngresep artin siptejane ento.  
Rikale dane mineh-minehin unduke ento, Ida Sang  
Hyang Widi masabda ring dane, ade anak ajake telu  
ane magpagin cening, cening patut  
bareng-bareng mejalan ajak  
pare utusane ento.



Rikala pare utusan ento matur ring dane Petrus,  
ngeninang indik malaikat sane mrentahang dane  
Kornelius apange ngutus utusan apange ketemu ring dane  
Petrus, dane Petrus lantas nawang Ida Sang Hyang Widi ane  
sube nuntun pare utusane ento. Buin  
manine, Dane kesarengin  
anake ento mekaon nuju  
umah dane Kornelius.







Miriban, rikala dane ring tengahin margi nuju ke umah anak ane boye bangsa Yahudi, dane Petrus lantah preside ngresep, mungguing da Sang Hyang Widi Wasa sujatine nresnain makejang anak ane ade dijagate, lan kenginan Ida, apange makejang anake nawang ring Ida Sang Hyang Yesus ane dadi juru rahayun jagate. Rikale dane Petrus neked di umah dane Kornelius, dane Korneius langsung meteduh nyumbang dane Petrus.



“Bangun majujuk je, tiang ene tuah manusa biasa,” Pangandikan dane Petrus ring dane Kornelius. Lantas dane nuturang tekenin anak ane ade di umahe ento, “semeton pasti nawang tusing je dadi anak Yahudine metimpal tekenin anak ane boye bangsa Yahudi, keto masi singgah di umahne.”




“Nanging Ida Sang Hyang Widi sube nyihang tekenin tiang, tiang tusing je dadi ngorahang leteh tekenin anak ane boye bangsa Yahudi.”



Dane Petrus nuturang tekenin anak-anak bangsa Yunani (ane boye bangsa Yahudi) Sujatine Ida Sang Hyang Yesus ane mati di kayu salibe, tur ane buin nyeneng ento sujatine ane dadi juru rahayun jagate. Ditu lantasi Ida Sang Roh Suci ngebekin ipun, lan makejang anake ento memuji-muji Ida Sang Hyang Widi. Ditu lantasi dane Petrus ngelukat anak-anak ane mare percaya ento dijeroning parab Ida Sang Hyang Yesus.



Di Yerusalem, makejang anak Kristen di Yerusalem medihin dane Petrus, uli krane dane Petrus singgah di umah anak ane boye bangsa Yahudi. Ditu lantasi dane Petrus nuturang indik siptejati ane tampi dane lan dane Kornelius rikala dane ngestawa. Rikala makejang anak ane madingehang ape ane kebaosang dane Petrus, anake ento lantasi pade siep. Lantasi memuji ngeluwihang parab Ida Sang Hyang, tur nyinahang kesaksian malarapan gerejan idane, sujatine Ida Sang Widi nresnain makasami anak ane ade dijagate.



# Dane Petrus Lan Kekuatan Pengestawane

Wenten katuturan carita saking pengandika Ida sang Hyang  
widi mewasta Alkitab,

dados sobyahang ring

Kisah Para Rasul 9 – 12

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

